



Pre-aviso: presupuesto pa iniciativa nan Aña pa Conmemoracion di Pasado di Sclavitud

Durante e Aña pa Conmemoracion di Pasado di Sclavitud di 1 di juli 2023 te 1 di juli 2024 lo dedica mas atencion na un parti importante y doloroso di nos historia y na cual te cu recien a duna poco atencion: e pasado di sclavitud. Den cuadro di esaki Gobierno di Reino ta pone 2 miyon euro disponibel pa actividadnan y iniciativa nan cu ta contribui na conmemora y celebra abolicion di sclavitud den Reino. Mondriaan Fonds y Fonds voor Cultuurparticipatie cada uno ta haya 1 miyon euro pa durante e Aña di Conmemoracion sostiene actividadnan di tanto institucion nan como hende nan y iniciativa nan chikito local cu ta establece den e parti Caribense di Reino y na Hulanda.

Motibo pa Aña pa Conmemoracion

Mas cu 300 aña largo hende grandi y muchanan for di parti nan di Africa, hopi biaha tambe dor di traficante nan Hulandes di catibo, tabata ser secuestra y transporta cu barco abou di condicion nan inhumano via lama Atlantico pa e ex colonia nan Hulandes: Surnam y e isla nan Caribense Aruba, Boneiro, Corsou, Saba, Sint Eustatius y Sint Maarten. E habitantenan original di e diferente colonia nan Hulandes tampoco tabata scapa. Na Asia es nan cu a keda haci catibo tabata ser trafica pa area nan cu tabata abou di mando di Vereenigde Oostindische Compagnie (VOC). Pa generacion nan largo hende nan tabata nase den sclavitud. Nan tabata ser obliga pa henter nan bida haci trabou di catibo, pa benefisio di e doñonan Hulandes di plantacion.

Pa lei a aboli sclavitud riba 1 di juli 1863 den e colonia nan di Reino Hulandes di e tempo aki, Surnam y e isla nan Caribense. Pero mayoria di es nan cu a keda catibo mester a keda traha 10 aña mas riba e plantacion nan abou di supervision di estado pa asina limita e "daño di e medida aki" pa e doñonan di plantashi (cu otro palabra e daño pa motibo di abolicion di sclavitud). Ta dor di esaki pa hopi hende den e reino di e tempo aki sclavitud a caba te den 1873 numa. Dia prome di juli 2023 esaki ta 150 aña pasa.

For di 1858 te basta tempo despues di 1873 hende nan for di Asia te hasta cu trabou di contract tabata ser somete na trabou duro na Surnam abou di e mando Hulandes colonial.

Durante e Aña pa Conmemoracion Hulanda ta para keto na e historia doloroso aki y e consecuencia pa tur e hende nan cu di un o otro manera tabata involucra den esaki, y na e efecto continuo di esaki den e sociedad actual.

Diferente comunidnan di descendiente di es nan cu a keda catibo, e hende nan indigena di e pais y es nan cu a traha cu contract ta forma parti inseparable di e historia aki. Esakinan ta entre otro e hende nan indigena di e colonia nan di e tempo aki Surnam y e seis isla nan Caribense, Chines, Havanés y Hindustan trahando cu contract, y tambe por ehempel comunidnan Moluco, Ganes y Sur Africano. Pa e motibo aki e experiencia di comunidnan no Europeo involucra den e pasado di sclavitud ta para central den e actividadnan durante e Aña di Conmemoracion.

Mondriaan Fonds y Fonds voor Cultuurparticipatie lo parti e presupuesto pa medio di 2 convocacion habri. A haci e convocacion nan den colaboracion cu miembronan di grupo di scuchado critico cu ta bini di diferente comunidnan involucra.

Convocacion Mondriaan Fonds

E convocacion di Mondriaan Fonds ta dirigi su mes riba proyecto nan y actividadnan cu ta sigui engrandece e conocemento y e conscientisacion di e pasado di sclavitud y e efecto continuo di esaki te dia di awe.

Un grupo amplio di peticionario nan establece den e parti Caribense di Reino y na Hulanda por haci peticion na Mondriaan Fonds. Ta trata di individuo nan cu un profesion den e disciplina di practica di arte plastico, patrimonio, industria creativo, arte teatral, o crusamento den e disciplina nan aki. Banda di esaki organisacionnan cu tin como tarea principal organisamento di presentacion nan cu ta accesibel pa publico, archief nan y bibliotecanan por haci peticion. Por pidi entre € 5.000 te € 75.000 pa proyecto nan.

E convocacion di Mondriaan Fonds lo ser habri den november. Tin 2 momento final pa haci entrega di peticion: e prome ta den januari y e di dos ta den april 2023. Bo ke haya un mensahe via e-mail asina cu e convocacion habri ser habri? [Registra aki](#). Den november nos ta organisa un encuentro di informacion tokante e convocacion Aña di Conmemoracion di Pasado di Sclavitud.

Convocacion Fonds voor Cultuurparticipatie

Na e convocacion di Fonds voor Cultuurparticipatie e enfoke ta riba actividadnan caminda e participantenan ta involucra activamente. E subsidio ta pa iniciativa nan den cua parti nan nobo di e historia y sclavitud ta bini dilanti, material di educacion ta ser crea, proceso nan di sanacion ta ser stimula, o colaboracion (internacional) entre institucion nan ta ser habri. Di e manera aki e Fondo ke engrandece conocimiento, consciencia y visibilidad di e pasado di sclavitud pa siguiente generacion nan tambe. Mas o menos den mita di januari 2023 e areglo di subsidio ta habri, y pa esaki lo tin 1 mion euro disponibel.

Por haya informacion di e convocacion aki riba [website](#) di Fonds voor Cultuurparticipatie.

Lesá e comunicado aki y e Pregunta y Contesta Gobierno di Reino – Aña pa Conmemoracion di Pasado di Sclavitud

Pa mas informacion por tuma kontakto cu [Lotte Hemelrijk](#), [Lise Hermans](#) y [Talitha van Ooyen](#) o por yama e number general (+31 20-5231523).